

TYSVÆR KONTROLLUTVAL

PROTOKOLL

Tysdag **18. mai 2021** blei det halde digitalt møte i Tysvær kontrollutval under leing av utvalsleiar Ola S. Apeland.

MØTESTAD:	Teamsmøte
MØTESTART/-SLUTT:	kl. 18.00 – kl. 19.40
MØTANDE MEDLEMMER:	Ola S. Apeland (H), Karsten A. Larsen (FrP), Marit Hølland Gjedrem (Sp), Svein Terje Brekke (KrF) og Emly Årvik (A)
MØTANDE VARAMEDLEMMER	Ingen
FORFALL:	Ingen
FRÅ SEKRETARIATET MØTTE:	Dagleg leiar/utvalssekretær Toril Hallsjø, Haugaland Kontrollutvalgssekretariat IKS
FRÅ REVISJONEN MØTTE:	Oppdragsansvarleg revisor Willy Hauge, KPMG AS i sak 10/21 Forvaltningsrevisor Svein Kvalvåg, Rogaland Revisjon IKS i sak 11/21
ANDRE SOM MØTTE:	Rådmann Sigurd Eikje Kommunalsjef Annbjørg Lunde i sak 9/21 Økonomisjef Meike Baumgart og Leiar drift Leni Kristensen i sak 10/21
MERKNADER TIL INNKALLING	Ingen
MERKNADER TIL SAKSLISTE:	Ingen
FØLGJANDE SAKER BLEI HANDSAMA:	

SAK 8/21 GODKJENNING AV PROTOKOLL FRÅ MØTE 02.02.21

Sekretariatet si innstilling:

Protokoll frå møtet i Tysvær kontrollutval 02.02.21 blir godkjent slik han ligg føre.

Handsaming i kontrollutvalet 18.05.21:

Utvalet hadde ingen merknader.

Samrøystes vedtak i kontrollutvalet 18.05.21:

Protokoll frå møtet i Tysvær kontrollutval 02.02.21 blir godkjent slik han ligg føre.

SAK 9/21 ORIENTERING FRÅ ADMINISTRASJONEN - KOMMUNALSJEF HELSE OG MESTRING

Sekretariatet sitt framlegg til vedtak:

Tysvær kontrollutval tek gjennomgangen frå kommunalsjef helse og mestring om sitt arbeids- og ansvarsområde til orientering.

Handsaming i kontrollutvalet 18.05.21:

Kommunalsjef helse og mestring Annbjørg Lunde orienterte og viste presentasjon på skjerm. Namnet «mestring» kom inn ved siste omorganisering i 2019 og passar med formålet i lov om kommunale helse- og omsorgsteneste. Budsjettet er på 241 mill. kr, som utgjer 32 % av kommunens budsjett. Resultatområdet har ca. 480 tilsette i 375 årsverk.

Tenestene er delt inn slik: 1) Ressurs- og tenestekontor (10 årsverk), 2) Aktivitet og omsorg (205), 3) Helse (145) og 4) NAV (10). Under desse ligg så ulike einingar. Størst er Aktivitet og omsorg. Her ligg dei fleste langtidsvedtaka. I tillegg i stab kjem folkehelsekoordinatoren og kommuneoverlegen.

Området hadde forvaltningsrevisjon innan kvalitet i pleie- og omsorgstenestene i 2019, og oppfølging av rapporten ble lagt fram i fjor, som innebar fleire forbetringar. Det jobbast kontinuerlig med tiltak for å få til innsparingar.

KOSTRA-tala viser at Tysvær ligg høgt (meir enn 20 % over landssnitt), som kunne gje ca. 50 mill. kr i handlingsrom. Endringar visar at auka innan institusjonsteneste har vore på 4,7 % sidan 2017, medan andre kommunar har hatt 7 %. Kommunen har særleg høge utgifter innanfor heimetenestene og institusjonsdrift. Utfordringa framover er stadig fleire eldre, og i 2030 vil det gje 50 % meir i kostnader om ikkje det vert tenkt på nye løysingar, som velferdsteknologi og «nye» trinn i «omsorgstrappa». Slik drifta er i dag er den ikkje berekraftig. Plan Helse og mestring blei vedtatt i 2020.

Utvalet hadde spørsmål om drifta under pandemien, rekruttering og hennar syn på ny forvaltningsrevisjon.

Ho viste til at alle hadde vore utfordra innan beredskap og bruk av alt som ligg i omgrepet «TISK», men også mykje god samhandling på tvers av kommunane og kontakt med statsforvaltaren og Helse Fonna. Konkurransen er stor blant kommunane på Haugalandet når det gjeld helsepersonell. Ho var positiv til alle innspel som kunne sikre gode tenester, og spesielt til dei som treng det mest. Utvalsleiar takka for ein fin presentasjon.

Samrøystes vedtak i kontrollutvalet 18.05.21:

Tysvær kontrollutval tek gjennomgangen frå kommunalsjef helse og mestring om sitt arbeids- og ansvarsområde til orientering

SAK 10/21 UTTALE TIL ÅRSREKNESKAP OG ÅRSMELDING FOR 2020 – TYSVÆR KOMMUNE

Sekretariatet sitt framlegg til vedtak og innstilling:

Tysvær kontrollutval vedtek uttale til årsrekneskap og årsmelding 2020 slik den ligg føre (med desse endringane/tillegg).

Kontrollutvalet tilrår at Tysvær kommunestyre godkjenner årsrekneskapen og årsmeldinga for 2020.

Handsaming i kontrollutvalet 18.05.21:

Leder innleia. Oppdragsansvarleg revisor Willy Hauge, KPMG AS orienterte om revisjonen sitt arbeid. Ei revisjonsmelding utan merknader var sendt ut same dag. Han beklaga sein levering som var grunna pandemien. Dei ville kome med eit brev til leiinga seinare, men det var ikkje funne vesentlege feil som har verknad for handsaminga.

Økonomisjef Meike Baumgart viste presentasjon og orienterte om rekneskapsprosessen og hovudpunkta i rekneskapen. Covid-19 hadde gjort at ressursane var omfordelt, og kommunen hadde mottatt meir rammetilskot enn budsjettert. Det gode sluttresultatet på 6,4 % skyldast også lågare pensjonskostnader og lønnsoppgjær og meir frå havbruksfond enn planlagt. Investeringane hadde hatt eit høgt volum (271 mill. mot 164 i fjor), der mest gjekk til VA og nytt driftsbygg. Utviklinga av gjelda har auka dei siste åra og ligg øve måltall.

Utvalsleiar takka for ei solid gjennomgang og den viste at rekneskapen er i orden. Revisor takka for samarbeidet det siste året og på vegne av selskapet KPMG dei siste ni åra. Utvalet hadde ingen merknader, og slutta seg til uttalen slik den var fremma.

Samrøystes vedtak i kontrollutvalet 18.05.21 og innstilling:

Tysvær kontrollutval vedtek uttale til Tysvær kommune sin årsrekneskap og årsmelding for 2020 slik den ligg føre:

Tysvær kommune har i 2020 eit positivt driftsresultat med 74 mill. kr, som utgjer 6,4 % av driftsinntektene. Det er eit betre resultat enn i fjor (5,4 %) og resultatet er også i år godt øve teknisk berekningsutval sin tilrådde resultatmargin på 1,75%.

Under tilvising til utvalet sin eigen gjennomgang av dokumenta og revisjonsmeldinga for 2020, meiner kontrollutvalet at årsrekneskapen og årsmeldinga for 2020 totalt sett gjer eit forsvarleg uttrykk for resultatet av kommunen si verksemd for 2020 og for kommunen si økonomiske stoda pr. 31.12.20.

Kontrollutvalet er ikkje kjent med andre forhold, som er kome fram i dialog med revisor, som kunne hatt noko å seie for utvalet sin uttale, jf. kommuneloven § 11-2.

Ut over ovannemnde og det som går fram av saksframlegget til kontrollutvalet, samt revisors orientering om årsoppgjæret og revisjonsmeldinga, har ikkje kontrollutvalet merknader til årsrekneskapen til Tysvær kommune for 2020.

Kontrollutvalet tilrår at Tysvær kommunestyre godkjenner årsrekneskapen og årsmeldinga for 2020.

SAK 11/21 PROSJEKTMANDAT – FORVALTNINGSREVISJONSPROSJEKT – «EFFEKTIVISERING»

Sekretariatet si innstilling:

Tysvær kontrollutval bestiller forvaltningsrevisjonsprosjektet «Effektivisering» i tråd med utkast til prosjektmandat som ligg føre frå Rogaland Revisjon IKS.

Ramma vert sett til 300 timar.

Handsaming i kontrollutvalet 18.05.21:

Utvalsleiar innleia. Han meinte Rogaland Revisjon (RR) hadde lagt fram ein god plan, då pleie- og omsorgssektoren var stor og viktig område, og tilsvarende prosjekt nå var initiert i Stavanger og Sola.

Forvaltningsrevisor Svein Kvalvåg, RR IKS forklara bakgrunn for avgrensinga av bestillinga med at dei meinte det her var høgast teoretisk innsparingspotensiale. Også han hadde tro på ei positive synergi-effekt.

Rådmannen viste til møte med leiargruppa og deira positive haldning, men med to vilkår: at RR nytta revisorar med kompetanse innan fagfeltet og at det var mogleg å komme i dialog.

Revisor var glad for at administrasjonen var positiv og lova at dei skulle kunne komme med innspel undervegs.

Då kostnadene må ned innan dette feltet, var utvalet samd i at det var eit spennande prosjekt som dei hadde valt. Utvalet slutta seg til innstillinga.

Samrøystes vedtak i kontrollutvalet 18.05.21:

Tysvær kontrollutval bestiller forvaltningsrevisjonsprosjektet «Effektivisering» i tråd med utkast til prosjektmandat som ligg føre frå Rogaland Revisjon IKS.

Ramma vert sett til 300 timar.

SAK 12/21 REFERAT- OG ORIENTERINGSSAKER 18.05.21

6. Statusrapport pr. mai 2021
7. KST- vedtak 16.02.21 , sak 10/21- Turveg til Himåkanå
8. KST- vedtak 16.02.21 , sak 11/21- Kontrollutvalet – årsmelding 2020
9. Representantskapsmøte 23.04.21 – Haugaland brann og redning IKS
10. Representantskapsmøte 26.04.21 – Haugaland Kontrollutvalgssekretariat IKS
11. Representantskapsmøte 27.04.21 – IKA Rogaland IKS
12. Representantskapsmøte 27.04.21 – Haugaland Vekst IKS
13. Generalforsamling 30.04.21 – Haugaland Kraft AS
14. Representantskapsmøte 26.05.21 – HIM IKS
15. Saksframlegg vedk. om opptak av nye deltakarar i Rogaland Revisjon IKS
16. KDM mars 20201 – Veileder til kontrollutvalgs- og revisjonsforskrifta
17. NKRF Kontrollutvalgskonferanse 21.-22.04.21 – Årvik og Gjedrem deltok digitalt
18. Invitasjon til digital FKT sin konferanse 1.-2.juni 2021

Handsaming i kontrollutvalet 18.05.21:

Sekretær gjorde merksam på at for HKS IKS var fjorårets protokoll lagt ved og Haugaland Vekst IKS hadde ikkje fått nr. Protokoll frå i år ligg på nettsidene og talet på saker vert auka til 18.

Da det per i dag ikkje er nokre saker til junimøtet, blei utvalet samd i at møtet 8. juni truleg vil bli avlyst. Utvalet hadde elles ingen merknader.

Møte nr. 2/21

Samrøystes vedtak i kontrollutvalet 18.05.21:

Referatsakene nr 6 – 18 blir tatt til orientering.

Tysvær kontrollutval sitt møte 8. juni etter vedtatt møteplan for 2021 vil truleg bli avlyst.

Eventuelt

Ingen saker ble meldt eller tatt opp.

Neste møte: tysdag **14. september** 2021, kl. 18.00

Saker: Revisor si etterlevingskontroll for 2020, ny revisor si eigenerklæring for 2021, budsjett for kommunens kontrollarbeid 2022

Aksdal, 18. mai 2021

Ola S. Apeland (sign.)
kontrollutvalsleiar

Toril Hallsjø (sign.)
Utvalssekretær